

ऋषिः शंयुः बार्हस्पत्यः छन्दः बृहती 1,3,5,9,14,19-20,	सतोबृहती 2,4,10,12,17,
महासतो बृहती 6,8, महाबृहती 7, ककुप् 11,16, पुरउष्णिक् 13,18,	अतिजगती 15,
महाबृहती यवमध्या 21, अनुष्टुप् 22, देवता अग्निः 1-10, मरुतः 11-15, पूषा 16-19,	
मरुतः (पृश्निः) 20-21, द्यावाभूमी पृश्निः वा 22	

युजायज्ञा वो अग्रये गिरागिरा च दक्षसे। प्रप्र वयममृतं जातवैदसं प्रियं मित्रं न शंसिषम्	॥ 1 ॥
ऊर्जो नपातं स हिनायमस्मयुर्दाशेम हव्यदातये। भुवद्वाजेष्वविता भुवद्बुध उत त्राता तनूनाम्	॥ 2 ॥
वृषा ह्यग्रे अजरो महान्विभास्यर्चिषा। अजस्रेण शोचिषा शोशुचच्छुचे सुदीतिभिः सु दीदिहि॥	॥ 3 ॥
महो देवान्यजसि यक्ष्यानुषक्तव क्रत्वोत दंसना। अर्वाचः सीं कृणुह्यग्रेऽवसे रास्व वाजोत वंस्व	॥ 4 ॥
यमापो अद्रयो वना गर्भमृतस्य पिप्रति। सहसा यो मथितो जायते नृभिः पृथिव्या अधि सानवि	॥ 5 ॥
आ यः प्रौ भानुना रोदसी उभे धूमेन धावते दिवि	
तिरस्तमो ददश ऊर्म्यास्वा श्यावास्वरुषो वृषा श्यावा अरुषो वृषा	॥ 6 ॥
बृहद्भिरग्रे अर्चिभिः शुक्रेण देव शोचिषा	
भ्रद्वाजे समिधानो यविष्ठ्य रेवन्नः शुक्र दीदिहि द्युमत्पावक दीदिहि	॥ 7 ॥
विश्वासां गृहपतिर्विशामसि त्वमग्रे मानुषीणाम्	
शतं पूर्भिर्यविष्ठ पाह्यंहसः समेद्धारं शतं हिमाः स्तोतृभ्यो ये च ददति	॥ 8 ॥
त्वं नश्चित्र ऊत्या वसो राधांसि चोदय	
अस्य रायस्त्वमग्रे रथीरसि विदा गाधं तुचे तु नः	॥ 9 ॥
पर्षि तोकं तनयं पृथ्विद्वमदब्धैरप्रयुत्वभिः	
अग्रे हेळांसि दैव्या युयोधि नोऽदैवानि ह्वरांसि च	॥ 10 ॥
आ संखायः सर्बुर्घां धेनुमजध्वमुप नव्यसा वचः। सृजध्वमनपस्फुराम्	॥ 11 ॥
या शर्धाय मारुताय स्वभानवे श्रवोऽमृत्यु धुक्षत	
या मृळीके मरुतां तुराणां या सुप्रैरेव्यावरी	॥ 12 ॥
भ्रद्वाजायाव धुक्षत द्विता। धेनुं च विश्वदोहसमिषं च विश्वभोजसम्	॥ 13 ॥
तं व इन्द्रं न सुक्रतुं वरुणमिव मायिनम्	
अर्यमणं न मन्द्रं सृप्रभोजसं विष्णुं न स्तुष आदिशे	॥ 14 ॥
त्वेषं शर्धो न मारुतं तुविष्वण्यनर्वाणं पूषणं सं यथा शता	
सं सहस्रा कारिषच्चर्षणिभ्य आं आविर्गूळहा वसू करत्सुवेदा नो वसू करत्	॥ 15 ॥
आ मां पूषन्नृपं द्रव शंसिषं नु ते अपिकर्ण आघृणे। अघा अर्यो अरातयः	॥ 16 ॥
म काकुम्बीरमुद्बृहो वनस्पतिमशस्तीर्वि हि नीनशः	
मोत सूरु अह एवा चन ग्रीवा आदधते वेः	॥ 17 ॥
दतैरिव तेऽवृकमस्तु सख्यम्। अच्छिद्रस्य दधन्वतः सुपूर्णस्य दधन्वतः	॥ 18 ॥

पुरो हि मर्त्यैरसिं समो देवैरुत श्रिया	
अभि ख्यः पूषन्पृतनासु नस्त्वमवा नूनं यथा पुरा	19
वामी वामस्य धूतयः प्रणीतिरस्तु सूनृता। देवस्य वा मरुतो मर्त्यस्य वेजानस्य प्रयज्यवः	20
सद्यश्चिद्यस्य चर्कृतिः परि द्यां देवो नैति सूर्यः	
त्वेषं शवो दधिरे नाम यज्ञियं मरुतो वृत्रहं शवो ज्येष्ठं वृत्रहं शवः	21
सकृद्ध द्यौरजायत सकृद्धूमिरजायत। पृथ्वा दुग्धं सकृत्पयस्तदन्यो नानु जायते	22

(15)

49

(म. 6, अनु. 4)

ऋषिः ऋजिश्वा भारद्वाजः	छन्दः त्रिष्टुप् 1-14, शकरी 15	देवता विश्वे देवाः
------------------------	--------------------------------	--------------------

स्तुषे जनं सुव्रतं नव्यसीभिर्गीर्भिर्मित्रावरुणा सुम्रयन्ता	
त आ गमन्तु त इह श्रुवन्तु सुक्षत्रासो वरुणो मित्रो अग्निः	1
विशोविश ईड्यमध्वरेष्वदृप्तक्रतुमरतिं युवत्योः	
दिवः शिशुं सहसः सूनुमग्निं यज्ञस्य केतुमरुषं यजध्वै	2
अरुषस्य दुहितरा विरूपे स्तृभिरन्या पिपिशो सूरौ अन्या	
मिथस्तुरा विचरन्ती पावके मन्मं श्रुतं नक्षत ऋच्यमाने	3
प्र वायुमच्छा बृहती मनीषा बृहद्रथि विश्ववारं रथप्राम्	
द्युतद्यामा नियुतः पत्यमानः कविः कविमियक्षसि प्रयज्यो	4
स मे वपुश्छदयदश्विनोर्यो रथो विरुक्मान्मनसा युजानः	
येन नरा नासत्येष्यध्वै वर्तिर्याथस्तनयाय त्मने च	5
पर्जन्यवाता वृषभा पृथिव्याः पुरीषाणि जिन्वतमप्यानि	
सत्यश्रुतः कवयो यस्य गीर्भिर्जगतः स्थातर्जगदा कृणुध्वम्	6
पावीरवी कन्या चित्रायुः सरस्वती वीरपत्नी धियं धात्	
ग्राभिरच्छिद्रं शरणं सजोषा दुराधर्षं गृणते शर्मं यंसत्	7
पथस्पथः परिपति वचस्या कामेन कृतो अभ्यानळर्कम्	
स नो रासच्छुरुधश्चन्द्राग्रा धियं धियं सीषधाति प्र पूषा	8
प्रथमभाजं यशसं वयोधां सुपाणिं देवं सुगर्भस्तिमृध्वम्	
होता यक्षद्यजतं पस्त्यानामग्निस्त्वष्टारं सुहवं विभावा	9
भुवनस्य पितरं गीर्भिराभी रुद्रं दिवा वर्धया रुद्रमक्तौ	
बृहन्तमृष्वमजरं सुषुम्नमृधग्धुवेम कविनेषितासः	10
आ युवानः कवयो यज्ञियासो मरुतो गन्त गृणतो वरस्याम्	
अचित्रं चिद्धि जिन्वथा वृधन्त इत्था नक्षन्तो नरो अङ्गिरस्वत्	11
प्र वीराय प्र त्वसे तुरायाजा यूथेवं पशुरक्षिरस्तम्	
स पिस्पृशति तन्विं श्रुतस्य स्तृभिर्न नाकं वचनस्य विपः	12
यो रजांसि विममे पार्थिवानि त्रिश्चिद्विष्णुर्मनवे बाधिताय	
तस्य ते शर्मन्नुपदद्यमाने राया मदेम तन्वाः तना च	13

तन्नोऽहिर्बुध्न्यो अद्भिरकैस्तत्पर्वतस्तत्सविता चनो धात् |
तदोषधीभिरभि रातिषाचो भगः पुरंधिर्जिन्वतु प्र राये || 14 ||
नू नो रयिं रथ्यं चर्षणिप्रां पुरुवीरं मह ऋतस्य गोपाम् |
क्षयं दाताजरं येन जनान्त्स्पृधो अदेवीरभि च क्रमाम् विश आदेवीरभ्यश्श्रवाम् || 15 ||

(15) 50 (म. 6, अनु. 5)

ऋषिः ऋजिश्वा भारद्वाजः

छन्दः त्रिष्टुप्

देवता विश्वे देवाः

हुवे वो देवीमदितिं नमोभिर्मृळीकाय वरुणं मित्रमग्निम् |
अभिक्षुदामर्यमणं सुशेवं त्रातृन्देवान्त्सवितारं भगं च || 1 ||
सुज्योतिषः सूर्यं दक्षपितृननागास्त्वे सुमहो वीहि देवान् |
द्विजन्मानो य ऋतसापः सत्याः स्वर्वन्तो यजता अग्निजिह्वाः || 2 ||
उत द्यावापृथिवी क्षत्रमुरु बृहद्रौदसी शरणं सुषुम्ने |
महस्करथो वरिवो यथा नोऽस्मे क्षयाय धिषणे अनेहः || 3 ||
आ नो रुद्रस्य सूनवो नमन्तामद्या हूतासो वसवोऽधृष्टाः |
यदीमभे महति वा हितासो ब्रधे मरुतो अह्वाम देवान् || 4 ||
मिम्यक्षु येषु रोदसी नु देवी सिषक्ति पूषा अभ्यर्धयज्वा |
श्रुत्वा हवं मरुतो यद्ध याथ भूमा रेजन्ते अध्वनि प्रविक्ते || 5 ||
अभि त्यं वीरं गिर्वणसमर्चेन्द्रं ब्रह्मणा जरितर्नवेन |
श्रवद्भिद्धवमुप च स्तवानो रासद्वाजां उप महो गृणानः || 6 ||
ओमानमापो मानुषीरमृक्तं धातं तोकाय तनयाय शं योः |
यूयं हि ष्ठा भिषजो मातृत्तमा विश्वस्य स्थातुर्जगतो जनित्रीः || 7 ||
आ नो देवः सविता त्रायमाणो हिरण्यपाणिर्यजतो जगम्यात् |
यो दत्रवां उषसो न प्रतीकं व्यूर्णुते दाशुषे वार्याणि || 8 ||
उत त्वं सूनो सहसो नो अद्या देवां अस्मिन्नध्वरे ववृत्याः |
स्यामहं ते सदमिद्रातौ तव स्यामग्नेऽवसा सुवीरः || 9 ||
उत त्या मे हवमा जगम्यातं नासत्या धीभिर्युवमङ्ग विप्रा |
अत्रिं न महस्तमसोऽमुमुक्तं तूर्वतं नरा दुरितादभीके || 10 ||
ते नो रायो द्युमतो वाजवतो दातारो भूत नृवतः पुरुक्षोः |
दशस्यन्तो दिव्याः पार्थिवासो गोजाता अप्या मृळता च देवाः || 11 ||
ते नो रुद्रः सरस्वती सजोषा मीळहुष्मन्तो विष्णुर्मृळन्तु वायुः |
ऋभुक्षा वाजो दैव्यो विधाता पर्जन्यावाता पिप्यतामिषं नः || 12 ||
उत स्य देवः सविता भगो नोऽपां नपादवतु दानु पप्रिः |
त्वष्टा देवेभिर्जनिभिः सजोषा द्यौर्देवेभिः पृथिवी संमुद्रैः || 13 ||
उत नोऽहिर्बुध्न्यः शृणोत्वज एकपात्पृथिवी संमुद्रः |
विश्वे देवा ऋतावृधो हुवानाः स्तुता मन्त्राः कविशस्ता अवन्तु || 14 ||

एवा नपातो मम् तस्य धीभिर्भरद्वाजा अभ्यर्चन्त्यर्कैः |
 ग्रा हुतासो वसवोऽधृष्टा विश्वे स्तुतासो भूता यजत्राः || 15 ||

(16)

51

(म. 6, अनु. 5)

ऋषिः ऋजिश्वा भारद्वाजः छन्दः त्रिष्टुप् 1-12, उष्णिक् 13-15, अनुष्टुप् 16 देवता विश्वे देवाः

उदु त्यञ्चक्षुर्महि मित्रयोरां एति प्रियं वरुणयोरदब्धम् |
 ऋतस्य शुचिं दर्शतमनीकं रुक्मो न दिव उदिता व्यद्यौत् || 1 ||
 वेदु यस्त्रीणि विदथान्येषां देवानां जन्म सनुतरा च विप्रः |
 ऋजु मर्तेषु वृजिना च पश्यन्नभि चष्टे सूरौ अर्य एवान् || 2 ||
 स्तुष उं वो मह ऋतस्य गोपानदिति मित्रं वरुणं सुजातान् |
 अर्यमणं भगमदब्धधीतीनच्छा वोचे सध्न्यः पावकान् || 3 ||
 रिशादसः सत्पतोरदब्धान्महो राज्ञः सुवसनस्य दातृन् |
 यूनः सुक्षत्रान्क्षयतो दिवो नृनादित्यान्याम्यदिति दुवोयु || 4 ||
 द्यौश्षितः पृथिवि मातरध्रुग्रे भ्रातर्वसवो मृळता नः |
 विश्व आदित्या अदिते सजोषा अस्मभ्यं शर्म बहुलं वि यन्त || 5 ||
 मा नो वृकाय वृकये समस्मा अघायते रीरधता यजत्राः |
 यूयं हि ष्ठा रथ्यो नस्तनूनां यूयं दक्षस्य वचसो बभूव || 6 ||
 मा व एनो अन्यकृतं भुजेम मा तत्कर्म वसवो यच्चयध्वे |
 विश्वस्य हि क्षयथ विश्वदेवाः स्वयं रिपुस्तन्वं रीरिषीष्ट || 7 ||
 नम् इदुग्रं नम् आ विवासे नमो दाधार पृथिवीमुत द्याम् |
 नमो देवेभ्यो नम ईश एषां कृतं चिदेनो नमसा विवासे || 8 ||
 ऋतस्य वो रथ्यः पूतदक्षानृतस्य पस्त्यसदो अदब्धान् |
 तां आ नमोभिरुरुचक्षसो नृन्विश्वान्व आ नमे महो यजत्राः || 9 ||
 ते हि श्रेष्ठवर्चसस्त उं नस्तिरो विश्वानि दुरिता नयन्ति |
 सुक्षत्रासो वरुणो मित्रो अग्निर्ऋतधीतयो वक्मराजसत्याः || 10 ||
 ते न इन्द्रः पृथिवी क्षामं वर्धन्पूषा भगो अदितिः पञ्च जनाः |
 सुशर्माणः स्ववसः सुनीथा भवन्तु नः सुत्रात्रासः सुगोपाः || 11 ||
 नू सद्धानं दिव्यं नंशि देवा भारद्वाजः समतिं याति होता |
 आसानेभिर्यजमानो मियेधैर्देवानां जन्म वसूयुर्ववन्द || 12 ||

अपु त्यं वृजिनं रिपुं स्तेनमग्रे दुराध्यम् । द्रविष्ठमस्य सत्पते कृधी सुगम् || 13 ||

ग्रावाणः सोम नो हि कं सखित्वनाय वावशुः । जहि न्यश्त्रिणं पणिं वृको हि षः || 14 ||

यूयं हि ष्ठा सुदानव इन्द्रज्येष्ठा अभिद्यवः । कर्ता नो अध्वन्ना सुगं गोपा अमा || 15 ||

अपि पन्थामगन्महि स्वस्तिगामनेहसम् । येन विश्वाः परि द्विषो वृणक्ति विन्दते वसु || 16 ||

(17)

52

(म. 6, अनु. 5)

ऋषिः ऋजिश्वा भारद्वाजः छन्दः त्रिष्टुप् 1-6, 13, 15-17, गायत्री 7-12, जगती 14 देवता विश्वे देवाः

न तद्विवा न पृथिव्यानु मन्ये न यज्ञेन नोत शमीभिराभिः |

उब्जन्तु तं सुभ्वः पर्वतासो नि हीयतामतियाजस्य यष्टा	॥ 1 ॥
अतिं वा यो मरुतो मन्यते नो ब्रह्म वा यः क्रियमाणं निनित्सात्	
तपूषि तस्मै वृजिनानि सन्तु ब्रह्मद्विषमभि तं शौचतु द्यौः	॥ 2 ॥
किमङ्ग त्वा ब्रह्मणः सोम गोपां किमङ्ग त्वाहुरभिशस्तिपां नः	
किमङ्ग नः पश्यसि निद्यमानान्ब्रह्मद्विषे तपूषि हेतिमस्य	॥ 3 ॥
अवन्तु मामुषसो जायमाना अवन्तु मा सिन्धवः पिन्वमानाः	
अवन्तु मा पर्वतासो ध्रुवासोऽवन्तु मा पितरो देवहूतौ	॥ 4 ॥
विश्वदानीं सुमनसः स्याम् पश्येम नु सूर्यमुच्चरन्तम्	
तथा करद्वसुपतिर्वसूनां देवाँ ओहानोऽवसागमिष्ठः	॥ 5 ॥
इन्द्रो नेदिष्टमवसागमिष्ठः सरस्वती सिन्धुभिः पिन्वमाना	
पर्जन्यो न ओषधीभिर्मयोभुरग्निः सुशंसः सुहवः पितेव	॥ 6 ॥
विश्वे देवास आ गत शृणुता म इमं हवम् । एदं बर्हिर्नि षीदत	॥ 7 ॥
यो वो देवा घृतस्नुना हव्येन प्रतिभूषति । तं विश्व उषं गच्छथ	॥ 8 ॥
उषं नः सूनवो गिरः शृण्वन्त्वमृतस्य ये । सुमृळीका भवन्तु नः	॥ 9 ॥
विश्वे देवा ऋतावृधं ऋतुभिर्हवनश्रुतः । जुषन्तां युज्यं पर्यः	॥ 10 ॥
स्तोत्रमिन्द्रो मरुद्गणस्त्वष्टमान्मित्रो अर्यमा इमा हव्या जुषन्त नः	॥ 11 ॥
इमं नो अग्रे अध्वरं होतर्वयुनशो यज । चिकित्वान्दैव्यं जनम्	॥ 12 ॥
विश्वे देवाः शृणुतेमं हवं मे ये अन्तरिक्षे य उप द्यवि ष्ट	
ये अग्निजिह्वा उत वा यजत्रा आसद्यास्मिन्बर्हिषि मादयध्वम्	॥ 13 ॥
विश्वे देवा मम शृण्वन्तु यज्ञिया उभे रोदसी अपां नपाञ्च मन्म	
मा वो वचांसि परिचक्ष्याणि वोचं सुप्नेष्विद्वो अन्तमा मदेम	॥ 14 ॥
ये के च ज्मा महिनो अहिमाया दिवो जज्ञिरे अपां सुधस्थे	
ते अस्मभ्यमिषये विश्वमायुः क्षप उस्त्रा वरिवस्यन्तु देवाः	॥ 15 ॥
अग्नीपर्जन्याववतं धियं मेऽस्मिन्हवै सुहवा सुष्टुति नः	
इळांमन्यो जनयद्गर्भमन्यः प्रजावतीरिष आ धत्तमस्मे	॥ 16 ॥
स्तीर्णे बर्हिषि समिधाने अग्रौ सूक्तेन महा नमसा विवासे	
अस्मिन्नो अद्य विदथे यजत्रा विश्वे देवा हविषि मादयध्वम्	॥ 17 ॥

(10)

53

(म. 6, अनु. 5)

ऋषिः भरद्वाजः बार्हस्पत्यः	छन्दः गायत्री 1-7, 9-10, अनुष्टुप् 8	देवता पूषा
----------------------------	--------------------------------------	------------

वयमु त्वा पथस्पते रथं न वाजसातये	धिये पूषन्नयुज्महि	॥ 1 ॥
अभि नो नर्यं वसुं वीरं प्रयतदक्षिणम्	वामं गृहर्पतिं नय	॥ 2 ॥
अदित्सन्तं चिदाघृणे पूषन्दानाय चोदय	पुणेश्चिद्वि म्रदा मनः	॥ 3 ॥
वि पथो वाजसातये चिनुहि वि मृधो जहि	साधन्तामुग्र नो धियः	॥ 4 ॥

परिं तृन्धि पणीनामारया हृदया कवे	अथैमस्मभ्यं रन्धय	॥ 5 ॥
वि पूषन्नारया तुद पणेरिच्छ हृदि प्रियम्	अथैमस्मभ्यं रन्धय	॥ 6 ॥
आ रिख किकिरा कृणु पणीनां हृदया कवे	अथैमस्मभ्यं रन्धय	॥ 7 ॥
यां पूषन्ब्रह्मचोदनीमारां बिभर्ष्याघृणे	तया समस्य हृदयमा रिख किकिरा कृणु	॥ 8 ॥
या ते अष्टा गोओपशाघृणे पशुसार्धनी	तस्यास्ते सुम्रमीमहे	॥ 9 ॥
उत नो गोषणिं धियमश्वसां वाजसामुत	नृवत्कृणुहि वीतये	॥ 10 ॥

(10)

54

(म. 6, अनु. 5)

ऋषिः भरद्वाजः बार्हस्पत्यः	छन्दः गायत्री	देवता पूषा
सं पूषन्विदुषा नयु यो अञ्जसानुशासति	य एवेदमिति ब्रवत्	॥ 1 ॥
समु पूषणा गमेमहि यो गृहो अभिशासति	इम एवेति च ब्रवत्	॥ 2 ॥
पूषणश्चक्रं न रिष्यति न कोशोऽव पद्यते	नो अस्य व्यथते पविः	॥ 3 ॥
यो अस्मै हविषाविधुन्न तं पूषापि मृष्यते	प्रथमो विन्दते वसु	॥ 4 ॥
पूषा गा अन्वेतु नः पूषा रक्षत्वर्वतः	पूषा वाजं सनोतु नः	॥ 5 ॥
पूषन्ननु प्र गा इहि यजमानस्य सुन्वतः	अस्माकं स्तुवतामुत	॥ 6 ॥
मार्किर्नेशन्मार्कीं रिषन्मार्कीं सं शारि केवटे	अथारिष्टाभिरा गहि	॥ 7 ॥
शृण्वन्तं पूषणं व्यमिर्यमनष्टवेदसम्	ईशानं राय ईमहे	॥ 8 ॥
पूषन्तव व्रते वयं न रिष्येम कदा चन	स्तोतारस्त इह स्मसि	॥ 9 ॥
परिं पूषा प्रस्ताद्धस्तं दधातु दक्षिणम्	पुनर्नो नष्टमाजतु	॥ 10 ॥

(6)

55

(म. 6, अनु. 5)

ऋषिः भरद्वाजः बार्हस्पत्यः	छन्दः गायत्री	देवता पूषा
एहि वां विमुचो नपादाघृणे सं सचावहै	रथीर्ऋतस्य नो भव	॥ 1 ॥
रथीतमं कपर्दिनमीशानं राधसो महः	रायः सखायमीमहे	॥ 2 ॥
रायो धारास्याघृणे वसो राशिरजाश्व	धीवतोधीवतः सखा	॥ 3 ॥
पूषणं न्वशजाश्वमुप स्तोषाम वाजिनम्	स्वसुर्यो जार उच्यते	॥ 4 ॥
मातुर्दिधिषुमब्रवं स्वसुर्जारः शृणोतु नः	भ्रातेन्द्रस्य सखा मम	॥ 5 ॥
आजासः पूषणं रथे निशुम्भास्ते जनुश्रियम्	देवं वहन्तु बिभ्रतः	॥ 6 ॥

(6)

56

(म. 6, अनु. 5)

ऋषिः भरद्वाजः बार्हस्पत्यः	छन्दः गायत्री 1-5, अनुष्टुप् 6	देवता पूषा
य एनमादिदेशति करम्भादिति पूषणम्	न तेन देव आदिशे	॥ 1 ॥
उत धा स रथीतमः सख्या सत्पतिर्युजा	इन्द्रो वृत्राणि जिघ्रते	॥ 2 ॥
उतादः परुषे गवि सूरश्चक्रं हिरण्ययम्	न्यैरयद्रथीतमः	॥ 3 ॥
यदुद्य त्वा पुरुष्टुत् ब्रवाम दस्र मन्तुमः	तत्सु नो मन्म साधय	॥ 4 ॥
इमं च नो ग्वेषणं सातये सीषधो गुणम्	आरात्पूषन्नसि श्रुतः	॥ 5 ॥

आ ते स्वस्तिमीमह आरेअघामुपावसुम् । अद्या च सर्वतातये श्वश्च सर्वतातये ॥ 6 ॥

(6)

57

(म. 6, अनु. 5)

ऋषिः भरद्वाजः बार्हस्पत्यः	छन्दः गायत्री	देवता इन्द्रापूषणौ
----------------------------	---------------	--------------------

इन्द्रा नु पूषणा वयं सख्याय स्वस्तये	हुवेम् वाजसातये	॥ 1 ॥
सोममन्य उपासदत्पातवे चम्बोः सुतम्	कुरम्भमन्य इच्छति	॥ 2 ॥
अजा अन्यस्य वह्नयो हरीं अन्यस्य संभृता	ताभ्यां वृत्राणि जिघ्रते	॥ 3 ॥
यदिन्द्रो अनयद्रितो महीरपो वृषन्तमः	तत्र पूषाभवत्सचा	॥ 4 ॥
तां पूष्णः सुमतिं वयं वृक्षस्य प्र वयामिव	इन्द्रस्य चा रभामहे	॥ 5 ॥
उत्पूषणं युवामहेऽभीशूरिव सारथिः	मह्या इन्द्रं स्वस्तये	॥ 6 ॥

(4)

58

(म. 6, अनु. 5)

ऋषिः भरद्वाजः बार्हस्पत्यः	छन्दः त्रिष्टुप् 1,3-4, जगती 2	देवता पूषा
----------------------------	--------------------------------	------------

शुकं ते अन्यद्यजतं ते अन्यद्विषुरूपे अहनी द्यौरिवासि	
विश्वो हि माया अवसि स्वधावो भद्रा ते पूषन्निह रातिरस्तु	॥ 1 ॥
अजाश्वः पशुपा वाजपस्त्यो धियंजिन्वो भुवने विश्वे अर्पितः	
अष्टां पूषा शिथिरामुद्वरीवृजत्संचक्षाणो भुवना देव ईयते	॥ 2 ॥
यास्ते पूषन्नावो अन्तः समुद्रे हिरण्ययीरन्तरिक्षे चरन्ति	
ताभिर्यासि दूत्यां सूर्यस्य कामेन कृतं श्रवं इच्छमानः	॥ 3 ॥
पूषा सुबन्धुर्दिव आ पृथिव्या इळस्पतिर्मघवा दुस्मवर्चाः	
यं देवासो अर्ददुः सूर्यायै कामेन कृतं त्वसं स्वञ्चम्	॥ 4 ॥

(10)

59

(म. 6, अनु. 5)

ऋषिः भरद्वाजः बार्हस्पत्यः	छन्दः बृहती 1-6, अनुष्टुप् 7-10	देवता इन्द्राग्नी
----------------------------	---------------------------------	-------------------

प्र नु वोचा सुतेषु वां वीर्यां यानि चक्रथुः	
हतासो वां पितरो देवशत्रव इन्द्राग्नी जीवथो युवम्	॥ 1 ॥
बळित्था महिमा वामिन्द्राग्नी पनिष्ठ आ	
समानो वां जनिता भ्रातरा युवं यमाविहेहमातरा	॥ 2 ॥
ओक्किवांसा सुते सचां अश्वा सतीइवादर्ने	
इन्द्रा न्वश्री अवसेह वज्रिणा वयं देवा हवामहे	॥ 3 ॥
य इन्द्राग्नी सुतेषु वां स्तवत्तेष्वृतावृधा	
जोषवाकं वदतः पज्रहोषिणा न देवा भूसर्थश्चन	॥ 4 ॥
इन्द्राग्नी को अस्य वां देवो मतीश्चिकेतति	
विषूचो अश्वान्युयुजान ईयत् एकः समान आ रथे	॥ 5 ॥
इन्द्राग्नी अपादियं पूर्वागात्पद्मतीभ्यः	
हित्वी शिरो जिहया वावदञ्चरत्रिंशत्पदा न्यक्रमीत्	॥ 6 ॥

इन्द्राग्नी आ हि तन्वते नरो धन्वानि बाह्वोः	
मा नो अस्मिन्महाधने परा वर्तु गविष्टिषु	॥ 7 ॥
इन्द्राग्नी तर्पन्ति माघा अर्यो अरातयः	
अप द्वेषांस्या कृतं युयुतं सूर्यादधि	॥ 8 ॥
इन्द्राग्नी युवोरपि वसु दिव्यानि पार्थिवा	
आ न इह प्र यच्छतं रुयि विश्वार्युपोषसम्	॥ 9 ॥
इन्द्राग्नी उक्थवाहसा स्तोमोभिर्हवनश्रुता	
विश्वाभिर्गीभिरा गतमस्य सोमस्य पीतये	॥ 10 ॥

(15)

60

(म. 6, अनु. 5)

ऋषिः भरद्वाजः बार्हस्पत्यः छन्दः त्रिष्टुप् 1-3, 13, गायत्री 4-12, बृहती 14, अनुष्टुप् 15 देवता इन्द्राग्नी

श्रथद्वृत्रमुत संनोति वाजमिन्द्रा यो अग्नी सहुरी सपर्यात्	
इरज्यन्ता वसव्यस्य भूरेः सहस्तमा सहसा वाजयन्ता	॥ 1 ॥
ता योधिष्टमभि गा इन्द्र नूनमपः स्वरुषसो अग्र ऊळहाः ।	
दिशः स्वरुषस इन्द्र चित्रा अपो गा अग्ने युवसे नियुत्वान्	॥ 2 ॥
आ वृत्रहणा वृत्रहभिः शुष्मैरिन्द्र यातं नमोभिरग्ने अर्वाक्	
युवं राधोभिरकवेभिरिन्द्राग्ने अस्मे भवतमुत्तमेभिः	॥ 3 ॥
ता हुवे ययोरिदं पग्ने विश्वं पुरा कृतम्	इन्द्राग्नी न मर्धतः ॥ 4 ॥
उग्रा विघनिना मृध इन्द्राग्नी हवामहे	ता नो मृळात ईदृशो ॥ 5 ॥
हतो वृत्राण्यार्या हतो दासानि सत्पती	हतो विश्वा अप द्विषः ॥ 6 ॥
इन्द्राग्नी युवामिमैर्भि स्तोमा अनूषत	पिबतं शंभुवा सुतम् ॥ 7 ॥
या वां सन्ति पुरुस्पृहो नियुतो दाशुषे नरा	इन्द्राग्नी ताभिरा गतम् ॥ 8 ॥
ताभिरा गच्छतं नरोपेदं सर्वनं सुतम्	इन्द्राग्नी सोमपीतये ॥ 9 ॥
तमीळिष्व यो अर्चिषा वना विश्वा परिष्वजत् । कृष्णा कृणोति जिह्वया	॥ 10 ॥
य इद्ध आविवासति सुममिन्द्रस्य मर्त्यः	द्युमनाय सुतरा अपः ॥ 11 ॥
ता नो वाजवतीरिष आशून्यिपृतमर्वतः	इन्द्रमग्निं च वोळहवे ॥ 12 ॥
उभा वामिन्द्राग्नी आहुवध्या उभा राधसः सह मादयध्वै	
उभा दाताराविषां रयीणामुभा वाजस्य सातये हुवे वाम्	॥ 13 ॥
आ नो गव्येभिरश्व्यैर्वसव्यैरुप गच्छतम्	
सखायो देवो सख्याय शंभुवेन्द्राग्नी ता हवामहे	॥ 14 ॥
इन्द्राग्नी शृणुतं हवं यजमानस्य सुन्वतः	वीतं हव्यान्या गतं पिबतं सोम्यं मधु ॥ 15 ॥

इयमददाद्रभसमृणच्युतं दिवोदासं वध्यश्वार्यं द्वाशुषे	
या शश्वन्तमाचखादावसं पृणिं ता ते द्वात्राणि तविषा सरस्वति	॥ 1 ॥
इयं शुष्मैर्भिर्बिसखाइवारुजत्सानुं गिरीणां तविषेभिरूर्मिभिः	
पारावृत्तघ्नीमवसे सुवृक्तिभिः सरस्वतीमा विवासेम धीतिभिः	॥ 2 ॥
सरस्वति देवनिदो नि बर्हय प्रजां विश्वस्य बृसयस्य मायिनः	
उत क्षितिभ्योऽवनीरविन्दो विषमैभ्यो अस्रवो वाजिनीवति	॥ 3 ॥
प्र णो देवी सरस्वती वाजेभिर्वाजिनीवती धीनामवित्र्यवतु	॥ 4 ॥
यस्त्वा देवि सरस्वत्युपब्रूते धने हिते इन्द्रं न वृत्रतूर्ये	॥ 5 ॥
त्वं देवि सरस्वत्यवा वाजेषु वाजिनि रदा पूषेव नः सनिम्	॥ 6 ॥
उत स्या नः सरस्वती घोरा हिरण्यवर्तनिः वृत्रघ्नी वष्टि सुष्टुतिम्	॥ 7 ॥
यस्या अनन्तो अहुतस्त्वेषश्चरिष्णुरर्णवः अमश्चरति रोरुवत्	॥ 8 ॥
सा नो विश्वा अति द्विषः स्वसूरुन्या ऋतावरी अतन्नहेव सूर्यः	॥ 9 ॥
उत नः प्रिया प्रियासु सप्तस्वसा सुजुष्टा सरस्वती स्तोम्या भूत्	॥ 10 ॥
आपप्रुषी पार्थिवान्युरु रजो अन्तरिक्षम् सरस्वती निदस्पातु	॥ 11 ॥
त्रिषधस्था सप्तधातुः पञ्च जाता वर्धयन्ती वाजेवाजे हव्या भूत्	॥ 12 ॥
प्र या महिम्ना महिनासु चेकिते द्युम्नेभिरन्या अपसाम्पस्तमा	
रथइव बृहती विभ्वने कृतोपस्तुत्या चिकितुषा सरस्वती	॥ 13 ॥
सरस्वत्यभि नो नेषि वस्यो माप स्फरीः पर्यसा मा न आ धक्	
जुषस्व नः सख्या वेश्या च मा त्वत्क्षेत्राण्यरणानि गन्म	॥ 14 ॥

| इति चतुर्थाष्टके अष्टमोऽध्यायः समाप्तः ।

| इति चतुर्थाष्टकः समाप्तः ।